

## SCENE 1: CONVERSATION.

1 INT. VERANDAH - DAY

1

AARTI  
(Aarti is slicing some  
fruits in the verandah.)  
Are shuno!(In Bengali accent).  
Mahesh ke papa. Kaha marr gye.

PANDEY (MAHESH KE PAPA)  
Are yehi hai bhai!! Kya hua bolo.  
(While eating paan.)

AARTI  
Are kya hua kya? Tummi  
kuch socho bhi. Din bharr bass  
gutka paan khaao. Arre bete ka bhi  
socho kuch.

PANDEY  
Ek hi baat ko loop me repeat pe  
repeat pe repeat karti rehti ho.  
Kabhi thakk bhi jaaya karo tum.

AARTI  
Are tum koi thakane wala kaam karo  
tab na nikkamme.

PANDEY  
K..Ky..Kyaa matlab hai iska?

AARTI  
Are wo sab chorro, wo Shukla ka aaj  
bhi phone aaya tha. Are itne time  
se bol rha hai, Rishta fix karo na  
jee jaake.

## SCENE 2: DOODHWAALI ENTERS

DUBEY  
Uncle ji namastey!! Aur aunty kaisi  
ho? Mirchi lagake.(Takia Kalam)

Are uncle subah kyu ni aaye doodh lene?? Are tum lene nhi aate ho toh babuji hume bhej dete hai. Haan nhi toh mirchi lagake. Ab ye doodh hi deliver kare hum, hainn ?!! Batao tum hi. Are shadi ki umar hai gyi hai humari. Ab iss jawani ke umar me acha acha lagta hai ki mai ye doodh deti phiru.

AARTI

Haaye Dugga Haaye Dugga!! Umar kitni aur baatein kitni kitni.

PANDEY

Are doodh lao bhai jaldi subah se doodh ka chai bhi Naseeb nhi hua hai.

(Aarti while staring at Dubey.)

AARTI

Huhh!!

DUBEY

Ek din muh hi tedha ho jaayega tera aunty haan nhi toh mirchi lagake.

(Baba enters.)

### SCENE 3: BABA

BABA

Bhiksham Dehi!! Are koi hai??

AARTI

Namastey baba. Aaye aaye.

BABA

Khush raho mere baccho. Sab sukhi sampan toh hai?

AARTI

Ji baba. Baba aapka naam?

BABA

Humara koi naam nhi beti. Mai bass ek shubh Chintak hu jo logo ko maarg dikhata hu. Hume naam se nhi kaam se yaad rakhte hai log.

Humari toli yaha se guzar rhi thi  
toh aapka ghar dikha aur isme se  
kaafi chintan sthiti ke mauhal ka  
prakop dikh rha hai.

AARTI

Chintan?! Kaisi chintan baba?!

DUBEY

Haaye haaye, Uncle ka chakkar chal  
rha hai kya?!

AARTI

Kyaaa?? Ye kya bol rhi hai?

DUBEY

Aree haan wo uss din nili Saree  
waali ke peeche peeche jaate toh  
dekha tha maine. Haan nhi toh  
Mirchi lagake.

PANDEY

Arree!! Insaan ki shaqal achi na ho  
na toh baatein achi karni chahiye.

BABA

Chotti bacchi ho kya ?!  
(Everybody at the same  
time. "Hainn?")  
Matlab murkh ladki mai kisi aur  
chiz ka sankat vyaqt kar rha hu.

AARTI

Are baba isse hatao, aap bolu kya  
hua? Kiss sankat ki baat kar rhe  
hai aap?

BABA

Vats, iss ghar me sab kuch ulta  
hai. Iss ghar ka Vaastu. Iss ghar  
me jo faisla nischaye hota hai wo.  
Aise hi hota raha toh iss ghar ke  
sab sadasya nakhush rhenge.

AARTI

Baba, ye kya bol rhe hai aap?

BABA

(Pauses for a sec, close his eyes.)  
Hmmmm, Ghar ke raashan ke bahane  
apne pati se paise leke tum ghumne  
jaati thi.

AARTI

Are baba ye inke saamne kyu bol rhe ho?!

BABA

Aur tum, Somvaar ki raat ko ghar pe aake apni biwi ki madad karne ke bajae, apni lal Saree waali padosan se waartalap krne rukkk gye the.

(Aarti throws her sandal at him.)

DUBEY

Laal hai!! Laal hai!! Pura thela laal hai!! (While witnessing in the audience.)

BABA

Aur sabse zaroori baat, tumdono apne bete ki shadi uske mann ki anupasthiti ke bina kar rhe ho. Ye galat hai.

AARTI

Parr Baba humne jiss ladki ko chuna hai wo kaafi achi hai aur kaafi bare gharane se hai. Aur sabse bari baat apne caste ki hai. Aur mahesh apni mann pasand larki se shadi karne ki zid pe Ara hai.

BABA

Sukh, shaanti, aur Pyar kaafi avashyak hai ek ke Zindagi ke liye. Bete ke prati aap dono ka ye Kartavya banta hai ki usse bhi apne zindagi ka mol bhau karne ka Avsar de. Caste toh aap dono ki bhi alag hai, lekin phir bhi Rishta yaha tak aagya. Phir kuch keemat aur sauhrat ke liye uski zindagi barbaad kyu?

AARTI

Maaf kijiyege baba hum aaj hi Mahesh se baat karenge aur iska samadhaan zarur nikalenge.

BABA

Beta humara kaam tha maarg dikhana. Humara ab chalne ka waqt ho gaya hai.

(Baba bow down to take  
his kamandal when the  
beard just took off and  
we see the Baba was  
Mahesh.)  
(Everybody is in shock.)  
(The speaker plays  
"Mahesh Dalle" and then  
everyone runs after  
Mahesh.)